

印嶽縣志

280.39  
41  
\* 2/11/4

e/e38  
23320  
59271-4

邛崃縣志

志

黃登滋署



中華民國十  
有一年歲次  
壬戌春日刊

邛崃縣圖志目錄

縣志卷首

序志 舊志序 新公牘 職務銜名

第一卷

疆界地道圖

縣城圖

疆土志 地道記 場鎮記 古蹟攷

山水志 域外水源山脈 域內堰碾橋渡 寺塔附

第二卷

歷代建置沿革表

建置志 上篇城垣倉儲官廨廟祀 下篇官紳

邛崃縣志

卷首 圖志 目錄

甯細編次

方物志 識大略 語小略 方物表

文學志 先賢傳 後賢傳

第三卷

士女志 流寓記 科舉仕宦烈女忠義孝友耆壽烈表

第四卷

學校志 學校源流 學校類記

賦稅志 田賦攷 雜稅攷 公田攷

兵事志 古事舉要 今事存略

風俗志 禮教篇 靈怪篇

邛崃縣十志序志

縣志卷首

志書局局長兼總纂甯 緒述

邛州志明代爲楊升庵太史修撰范宣卿觀察親裁此書燬於流賊清初徵文考獻成於臧東牟州牧者不知卷數嘉慶時修於袁蘅臬州牧成於吳陽湖州牧者四十六卷乃嘉慶二十三年也道咸以來鄭小軒州牧修之胡雲樵州牧修之孫肯堂鄉賢修之黨幼雲州牧修之陳楚士州牧修之文靜岩州牧修之皆未成書由嘉慶至於今百有餘歲矣城防之禦寇田賦之改章倉穀出入庫儲盈虛政之大者也書院之改學堂公益之爲同志聯絡團體自治圖強事之大者也事

邛崃縣志

卷首

新志序志

甯

緒

懲前朝政出異代郡縣改易制度更張刑事維新禮教非舊忠孝之新說節義之卮言共和之與大同今昔殊致縣志猶方言耳而采風問俗亦頗爲難科舉停而舉貢廢流品別而仕宦殊官檔學籍蕩然無存訪之故人遺老殆盡加以團區分畫而冊籍攸殊總甲不文則採訪無效橋梁渡口之不明自道路遠近之不斷雖欲從之末由也已中華民國己未之年仲春之月劉季剛令尹集紳籌議毅然以志事責成細惟巖廊九重籌邊萬里邛州邛都疆界邊衛誰考究哉邛山邛水岷山岷山澌泅沫水皆遠在境外誰發明哉山水幽深道路阻絕衝寒冒暑履險臨危誰跋涉哉江河改道而築隄堰

水又分以碾溝泥淤沙刷而地畝變遷隱見增損誰清釐哉  
文武兩廟宦鄉兩祠升降增改誰豫定哉舊志搜羅宏富而  
漫羨無歸誰整齊哉遠則薛居正爲父薛仁謙立傳歐史重  
修近則王闔運撰湘軍志成曾侯劈版避嫌避怨焉有直辭  
邛崃縣地圖方志考之於古本周官土訓誦訓所掌其紀事  
辨物道俗當有史法而究與史不同大而言之則一州一邑  
小而言之則一人一家耳此華陽國志所以傳先賢士女也  
謹就舊所聞與新所訪者述之於其所不知蓋闕如也令尹  
曰可

### 序例

邛崃縣志

卷首 新志 序志

二

甯

細

粵自郡縣定制疆土攸分地圖版籍去古從今邛雖舊州崃  
實新縣山川圻界改易更變述邛崃縣疆土志第一  
崃山耨水今昔殊形水資灌溉山有田腴川原旣平其稼宜  
黍野惟邱阜彼稷是茂述邛崃縣山水志第二  
嶄嶄之石峨峨之城森森之木熙熙之民爲臺爲沼而民歡  
樂公堂公宮伊誰肇作述邛崃縣建置志第三  
四海同天九州同土因土之宜以制貢賦品物咸亨了無伏  
利禮運有言貨惡棄地述邛崃縣方物志第四  
山蒼水洋賢彥斯誕秦漢以上顯者猶鮮疊疊文翁風化臨  
邛開學明易世有文雄述邛崃縣文學志第五

含生之民同爲一氣品類所分遂有差次宣德篤俗攸敘彝倫略舉士女表諸賢明述邛崃縣士女志第六

文以載道學以愈愚三王四代重道崇儒九家者流興廢遞嬗移新易舊事窮則變述邛崃縣學校志第七

糧以石計以錢丁以口分以地丁糧既定賦稅乃均排甲之害遺自前明三里夫馬蕭剝葉成述邛崃縣賦稅志第八

唐書志兵邛崃志事兵不可忘事當有記咸同以來流賊滋擾黎雅成都營制不保述邛崃縣兵事志第九

律設大法禮順人情婚喪服食有質有文條其風俗上之朝廷鬼神靈怪以廣異聞述邛崃縣風俗志第十

邛崃縣志

卷首 新志 序志

三

甯

細

史記之作原於世本世本之例發於春秋欲張三世苦無三長知我罪我屏營徬徨述邛崃縣志序志〔卷首〕

議曰邛者山名也水名也部名也从卩工聲邛是卩字崃當作來與岨崃異與邛邾亦異兩字皆誤於元人明朝與清朝沿誤

此地秦名臨邛臨邛不得謂之邛亦猶臨海不得謂之海臨洮不得謂之洮臨川不得謂之川

三代時制分州貢賦郡縣而後州乃軍鎮之名邛州自唐以來郡縣與軍鎮并行元人廢郡縣專用軍鎮之名曰邛州明朝以州爲升階不知臨邛之義清亦然遂使古邛巴邛邛江

卽貴州  
邛江縣 臨邛昧沒而獨存邛州又訛爲邛州

楊升庵全蜀藝文志之刻篇章全載有似詩文總集後來府廳州縣志皆沿以爲例實非志例也地志篇幅尤非史志可比志藝文不便

史記貨殖列傳譏漢武也漢書官吏亦傳貨殖非也故後來無之攷趙人卓氏秦時遠遷臨邛以鐵冶致富未爲卑賤入漢以來卓王孫假南安鄧通嚴道銅山家僮致八百故華陽國志賤之附其名於鄧通之後不與臨邛人齒敍所謂良史賤商也方今商戰之世邛崃縣瀕西南山多有鹽鐵大可卽山經營如有能致厚貲如卓氏者亦可貴也故附其名於古

邛崃縣志

卷首 新志  
序志

四

雷

細

蹟篇竝鹽鐵發達後補序貨殖志

齊太公曰天之爲天遠矣地之爲地久矣一州一邑地圖方志與史志不同故不攷星野

舊邛州直隸州志序

縣志卷首

臧序

清康熙三十三年歲次甲戌八月之吉奉直大夫知四川直隸邛州事東牟臧延裔謹序曰今天下大一統東海以東流沙以西衡山以南恆山以北莫不梯山航海來享來王稽諸史冊輿圖之大聲教之遠開闢以來未有極盛如斯者一統志詳哉言之矣而猶直省有志郡縣有志蓋以廣谷大川異形民生其間異俗長民者必博觀紀載然後土地所宜人情所習可周知焉以修其教而齊其政也邛處蜀之西南東望錦官武侯過轍猶存西臨六番犬牙互制南跂蒙蔡爲神禹

邛崃縣志

卷首

舊志  
臧序

甯細編次

治水之所由始北瞻鶴霧漢將軍子龍忠義之氣若隱若見於雲樹間而生其地者理義政事如魏如常流風餘韻久而彌新則治斯土者能不覽其山川民物稽其因革損益以修齊政教爲太平之助哉獨是紀蹟於文獻猶足之邦則易爲力紀蹟於湮沒既久之地則難爲功邛當兵荒之餘老成凋謝典籍淪亡延裔絲建德量移茲土訪古舊志遺老辰星斷簡劫灰大恐昔無以傳今無以鑑未能因地因時以盡厥職爰集耆艾博採遺文求殘碑剩碣於荒煙蔓草之中去疑存信刪繁就簡彙輯成帙雖聽遠者聞其疾不聞其舒望遠者察其貌不察其形未免掛一漏萬然關隘津梁防衛守禦祠

祀賦役興廢重輕忠孝節烈足以移風治法治人足以取則庶幾不越尺牘四境可觀身處近今往事堪稽敢曰創前人所未有哉姑傳其所見聞以俟採風者取以佐盛朝同文之治云爾

### 袁序

嘉慶十有七年九月日知邛州直隸州事袁傅箕序曰周禮小史掌邦國之志外史掌四方之志自班氏漢書載地理志而後世郡縣之志祖之蓋志猶史也史以紀朝廷之功實詳統御之經權志則山川之險易戶口之登耗風俗之淳漓政治之純駁與夫名卿碩彥忠孝節義之芳軌俱於是繫焉志

### 邛崃縣志

卷首 舊志  
袁序

二

甯細編次

不綦重哉邛邑處蜀之西南隅秦爲臨邛縣屬蜀郡兩漢因之晉改屬晉原郡梁始置州魏隋間時廢時置唐復爲邛州後置軍置防禦置節度觀察等使不一元明或屬成都或屬嘉定亦不一明成化時始升爲直隸州領大邑蒲江二縣本朝因之百餘年來休養生息仁漸義摩聲名文物之美駸駸甲於中邦使不廣搜博採纂輯成書其何以表揚風化而示來茲顧自前明以來書缺有間卽有舊志而簡略譌誤難成信史辛未冬大府以全省通志閱七十餘年未經編輯奏請重修詳加釐訂並檄各有司搜訪遺佚彙修志乘以備採擇甚盛典也余承命之下爰進邑中紳士共相商確取舊志稍

加釐訂考獻徵文區門別類凡所爲山川之險易戶口之登耗風俗之淳漓政治之純駁無不可按籍而稽而沿革興廢職官選舉忠孝節烈尤加詳焉會以請覲入都功未克竣所賴後之君子刪繁補略匡其不逮是則余之所厚望也夫

吳序 節文

嘉慶二十三年秋九月邛州直隸州知州陽湖吳鞏序曰國有史郡有志史者褒善貶惡而志者紀載備考也星野輿圖丁田貢賦以逮忠孝名節之重魚鹽畜擾之微莫不犁然畢具披圖按籍文獻於是乎徵焉邛爲上川南巨郡內則拱衛蓉城外則控御番地山川之盛實爲全蜀奧區自建立郡縣

邛崃縣志

卷首

舊志  
吳序

三

甯細編次

以來物產蕃豐人文炳蔚見於前賢著述者人不一事事不一書顧經制既久沿革滋多千數百年中民氣之盛衰政教之得失鄉邑城社之變遷不有成書何以信今而傳後鞏乙亥冬蒞任茲上下車後卽查閱州志見袁蘅臯刺史所纂舊稿尙未刊定欲采葺而重訂之以簿書填委未果也今春政務稍閒思欲仰酬前志爰同州人士延請王君漢臯相與校讐去其無徵摘其可據外誤者正之遺漏者補之搜訪參稽不遺餘力閱數月而事竣焉

葉序

嘉慶戊寅春正月分巡建昌兵備道長安葉文馥序曰郡縣

有志由來久矣周官誦訓掌道方志春秋左氏傳亦有周志鄭志之文志之權輿固可考也然古郡縣志率多不傳傳者唐有李吉甫元和郡縣志宋有王存元豐九域志所紀者皆一朝之疆域如宋范成大之吳郡志羅願之新安志施宿之嘉泰會稽志元徐碩之至元嘉禾志袁桷之延祐四明志及前明王鏊之姑蘇志皆郡志也至若康海之武功志韓邦靖之朝邑志宋常棠之澈水志則又專志一縣一鎮矣雖地有廣狹之殊志有偏全之異然其間建置沿革疆域道里田賦戶口關塞險要與夫官師人物名勝古蹟莫不提要鉤元詳爲紀錄也邛州北接錦城南通巖道所轄大邑蒲江二縣余

邛崃縣志

卷首 舊志  
葉序

四

甯細編次

宦蜀十餘年叱馭籌邊屢經斯地嘗爲州牧樂其風俗之淳徵舊志而閱之乃康熙中臧君所修頗嫌闕略又不載二縣事有志續修而竟未得遂後觀察建昌州爲所屬時樸亭吳君名鞏陽 湖北人來爲刺史政修人和延余同年漢臯王君名來 遼湖北人與州人士同加編輯削去煩冗補苴罅漏前後三載而志成夫事必成之難而後傳之久又必出自一人之手而後體例得宜人之稱斯志者未知於唐宋元明諸志何如而甄別有法不漏不支必傳於後無疑也余嘉樸亭與余有同志而漢臯與州人士能終其事不憚勤勞使余與樸亭之志迄用有成也故樂爲之序

新修邛崃縣志書公牘

中華民國八年三月十四號邛崃縣知事劉復爲照會事志乘之作自古重之其禮教政刑上固有所承而境有異宜俗有不同則所以率斯民者豈能一概而悉臻乎當况耆舊之懿美後進之儀範曩時之治忽將來之師資苟令闕疑無攷後有作者將奚所本輜軒之采奚所陳焉縣昔爲邛州舊志成書逾百年矣又轄縣之文咸附於篇所驚廣則不暇專精歷年多則懼於忘軼今而修之維其時矣俊髦之儒英乂之彥宏茲載述大有其人是用不揣先圖發凡如左爲此照會志書局正局長甯雲若先生

邛崃縣志

卷首 新志  
公牘

五

甯細編次

採訪邛崃縣志條件

(一) 疆土志 此宜有圖並宜貼說圖有分總說有詳略分道路關隘城鄉場鎮以城爲中央點道路則採訪道里四至八到之長短交接某至某之里數並路之大小寬窄路之介然成者不記有關於通塞關隘者有關於水阻山障者詳記之關隘則採訪某處之要隘交接某處可以關防設守衛者凡深林竹箐崖隙可以藏匿人者皆宜訪之場鎮則採訪其大小分別山市平壩至會集之時期買賣多寡尋常者不記特別者訪之

(二) 山水志 此宜有圖說同疆土志

某山某水只記土地名某山從何而來從何而去與某處某山接連訪水亦然但水有源流分合過至會入須詳訪之其中有場鎮者水陸道里往來遠近最要外分邱壩塘堰訪之

邱壩之山田山地壩田河壩須訪明籽種片段平疇畝數河壩冲刷於泥沙漬土壤肥磽皆採訪之

堰塘之流水堰積水塘泉水盪灌耕畝數碾磨油榨水碓採訪其名與實而記之

堰名最多如開此堰之時代及此堰之規則有碑記附

邱壩縣志

卷首 新志 採訪條件

六

甯細編次

此無則表名而已

(三) 物產志

從同者說其大概特別者詳記之如鹽井火井之廢煤礦金礦之興桑田之蠶絲布帛稻梁麥豆十八堡之茶葉竹木之竹紙竹器棕器森林之材料與夫果實凡有用之售品商賈之內外銷場皆宜採訪之

(四) 建置志

建置之最大者城垣以次官廨祠廟寺塔橋梁古蹟名墓皆宜採訪凡有傳記碑文題詠者隨類附入

(五) 文學志

不志藝文而志文學者藝文志經籍志史例也凡歷代郡守州牧縣令客遊之有題詠傳記碑刻隨地當篇附入山水建置各志又歷代名宦鄉賢已列表于祠廟篇此志只採訪歷代臨邛人之有著述者有書存書無書存目

(六) 士女志

凡歷代忠孝節義畸入逸士科甲仕宦之有名譽者採訪入此志有傳者列傳無傳者列表

(七) 學校志

書院義塾考棚之興廢賓興公田廟產之歸併與夫學

邛崃縣志

卷首

新志  
採訪條件

七

甯細編次

堂之建造遷移不定者不訪有成案者訪之

(八) 賦役志

糧稅者田賦所出也捐輸之預徵預借以及契底豬釐名目繁多此必須久於財政公事者始能採訪確實至於吳藩之重徵排甲之爲害三里之夫馬皆宜訪之

(九) 兵事志

金川之役由此過兵由此運餉只算差徭不爲兵事自廖毛狗張燈竿楊洪中以後金馬廟之謀反藍大順之圍城鎮西山之失守唐軍門之戰事比其最大而最要者宜詳訪之清之季年城之不守地方多盜邛人皆能

說之然須有記載是宜採訪輿論各人直書

(十) 風俗志

剛柔緩急繫水土之風氣謂之風好惡取舍動靜無常  
隨君上之情欲謂之俗移風易俗乃令尹之事此志專  
記時尙分禮文靈異兩種採訪之

中華民國九年四月十六號邛崃縣知事劉夔爲照會事查  
縣志事宜早有成議並經貴局長著手撰述祇以款未籌妥  
開局無期民國九年稅糧開徵議定按正糧每兩加收一角  
可收入銀一千三百元除解省志費六百四十元外尙餘銀  
六百六十餘元可合錢一千六百餘釧專作修志之需款既

有着局應亟開不日告成端資碩望并已照請曾君禮藩龔  
君秉衡陶君松齡協充總纂樊君錦雲承任總採訪另設纂  
修五員應請貴局長因事選才以資襄贊就中以一員兼任  
會計又設寫生一名雜役一名總採訪及會計寫生雜役常  
川住局應支火食四分與雜支特別費一并開具另表理合  
照會貴局長請煩查照尅期開局辦理實爲公便爲此照會  
志書局局長甯雲若先生

邛崃縣知事劉 夔

中華民國九年十月二十三號邛崃縣知事公署公函中華  
民國九年十月二十二號准

重修四川通志局函開逕啓者竊四川重修通志經

熊督軍  
楊省長

會商設局於五月二十三號成立查各縣縣志曾由省長迭次催修今合川溫江綿竹各屬全志業已告成琪縣亦新以副本寄來局測計全川各縣悉當一律成功矣惟通志開辦所資於縣志孔亟成都存古書局止存有各縣舊志數十通自新政改易兼復治亂相循舊志之可因者不得其半全賴新志加意網羅速成令典謹蘄各賢令尹及

耆儒碩學除已成新志見寄外其具藁而未及付刊者先寫副本見寄不惟本局所得依據且隨事商訂亦得大端劃一

邛崃縣志

卷首 新志 公牘

九

甯細編次

免各縣參差不齊至有向無志書之縣尤望官紳及時剋舉但期文獻可徵言之有據正不必以繁富爲美觀則亦非甚高難行也約舉數則粗商綱要請依是爲徵采維

通識裁覽焉此致計附表一件等由准此相應函達查照辦理實爲公便此致

邛崃縣志書局

計開

一建置沿革舊有誤者漏者能確然據改據補獲一條如獲一寶也

一疆域以測量爲準其未經測量者詳據道里勘定山地澤

地原地依方舉要

一山脈水道須明源委有古蹟可徵隨地附入勿徒散舉其名

一食貨如賦稅戶口積貯鹽茶新舊損益當調查詳確證之公牘其物產則分類列表

一學校列表各教附風俗附

一記事古事考史以詳爲主今事據公牘及通人筆記本地聞見以確爲主交通外交等事卽情形所宜分門類列

一人物據史據名人撰著據公牘其由採訪者須詳事實不可虛加考語史例向以卒後三十年爲限今或難拘守要

邛崃縣志

卷首 新志 公牘

十

甯細編次

之生存不錄自述生平不錄本家互標榜不錄選舉仕宦列女耆壽入表

一金石漢以來雖殘字備錄石質及尺寸備錄唐宋文備錄明清摘錄打本分寄本局

一藝文刊行者存局一部未刊者寄局無副本仍發縣交還虛構書目序例者不錄前代制藝近代教科及里俗勸善格言不錄

一圖疆域山脈水道城郭市鎮外俗稱八景十景等一概刪去

一天文星野刪去